

SOL DI PUEBLO

BRIYANDO FUERTE • TRECIENDO CLARIDAD

**STAATSSECRETARIS
VAN DER BRUG:**

**TA GERLIEN
CROES A
NEGOCIA HOFA:**

**“HOFA IS ONDERHANDELD
VANUIT ARUBA
DOOR DE GEVOLMACHTIGDE
MINISTER DIE ER NU ZIT”**



**OTRO SIMAN CORTE
SUPERIOR TA TRATA
CASO FLAMINGO**



**HOFA A BIRA UN “ONDERONSJE”
DI AVP-FUTURO Y PUEBLO TA
WORDO MAL INFORMA**

PERMISO DI LICENSIA PA TRANSMISION DI FIFA PA MUNDIAL 2026 FIRMA TA PA ARUBA



A oficialisa acuerdo awe maDiaranson mainta. Minister di Telecomunicacion Rene Herdê tabata testigo na edificio di SETAR NV, ora cu ehecutivonan di mercadeo, Ronica Lopez y Giovanni Kock di Telearuba a marca inicio di temporada deportivo mas gusinta, unda a acorda e cantidad di wega cu lo bay transmiti. Den presencia di prensa, Minister Rene Herdê, hunto cu Minister di Deporte Gerlien Croes, representante di SETAR, TeleAruba y diferente partner, a participa den entrega oficial di e bala di FIFA World Cup 2026, marcando oficialmente e inicio di e promocion y transmision di Mundial 2026 na Aruba.

Durante e encuentro, a anuncia cu comunidad Arubiano lo por disfruta di

acceso na transmision di tur e weganan di Mundial, danki na cooperacion entre diferente partner local y medio di comunicacion.

Minister Herdê a expresa su aprecio pa e esfuerzo conhuntito cu a haci posibel e proyecto aki, destacando e importancia di deporte como un instrumento cu ta conecta comunidnan y pueblo.

Den su mensahe, a enfatisa cu, apesar di e retonan y negocionan cu a tuma lugar tras di cortina, e resultado final ta representa un logro importante pa Aruba y pa tur aficionado di futbol. Tambe a destaca e rol di tecnologia, recurso humano y cooperacion entre institucionnan pa logra conecta Aruba cu un evento mundial di e magnitud aki, permitiendo cu pueblo Arubiano por

sigui y disfruta e Mundial manera e resto di mundo. Representantenan di TeleAruba y partnernan participante a comparti tambe entusiasmo pa e temporada deportivo cu ta bin dilanti, enfatisando cu e iniciativa ta forma parti di un esfuerzo mas amplio pa sigui promove deporte y experiencia di calidad pa televidentenan na Aruba. Durante e encuentro, a expresa exito na tur e seleccionnan participante, incluyendo un mensahe special di apoyo na nos isla ruman Corsou durante e periodo di Mundial.

E entrega oficial di e bala ta simbolisa e inicio di un temporada deportivo cu lo reuni comunidad, famia y aficionadonan di futbol durante e proximo dianan di competencia internacional.

Parlamentario Xiomara Maduro: HOFA A BIRA UN “ONDERONSJE” DI AVP-FUTURO Y PUEBLO TA WORDO MAL INFORMA

Aruba falta informacion riba HOFA

Motiboprincipal: Gobierno AVP-FUTURO a negosha den silencio cu Hulanda y a manda un concepto pa Rijksministerraad aproba SIN informa Parlamento, ni Pueblo prome. Esaki ta crea preocupacion legitimo, pasobra un tema cu tin impacto constitucional y financiero grandi no mester wordo maneha den un “onderonsje” fo'i bista di Pueblo.

Loke ta preocupa hopi hende ainda mas, ta cu actualmente tin presion politico pa limita oposicion den comparti informacion cu gremionan y pueblo. Asina nos por a mira con Minister Wever di Finansa a exige pa representanan di Pueblo wordo saca for di sala di encuentro informativo. Un acto lamentabel y di cobardia, ya cu transparencia no por wordo mira como un menasa den un democracia.

Ban lanta contra abuso

Pueblo di Aruba merece informacion completo, debate habri y transparencia total prome cu decisionnan asina importante wordo tuma. Pueblo mester lanta ariba y NO acepta e abuso di Eman, Gerlien y Geoffrey pa entrega Aruba su autonomia den un “onderonsje” den cual Pueblo ta keda mal informa.



Te ainda awe:

- E Prome Minister Mike Eman ta ausente den e debate publico. E no ta bin Parlamento pa splica ni defende HOFA, y tampoco e no ta informa pueblo via cadena nacional.

- Aruba tin un Minister di Relacion den Reino, Gerlien Croes cu nunca a haci un programa informativo, conferencia di prensa of duna un splicacion cla riba kico HOFA realmente ta implica.

- E Minister Wever di Finansa ta enfoca casi exclusivamente riba e aspecto financiero, mientras cu e parti constitucional di HOFA por ta ainda mas importante pa futuro di nos Status Aparte y autonomia. Cobardia politico

Y pa completa e preocupacion

E Secretario di Estado Hulandes encarga cu Relacionnan den Reino, Van der Burg, ta muestra cu no e no ta suficiente informa riba e posicion unico di Aruba den Reino Hulandes. Su discurso ta divulga un movecion den e direccion di trata tur e 3 paisnan Aruba, Corsou y Sint Maarten na manera igual, sin reconoce cu cada pais tin su propio historia, propio acuerdo constitucional y propio mandato democratico.

E pregunta crucial ta: HOFA ta solamente un instrumento financiero? Of ta un paso grandi den cambio di relacion constitucional den Reino Hulandes?

..... AVISO



**DEBI NA MUDAMENTO POLI GINECOLOGIA
LO TA CERA DIABIerna 29 DI MEI 2026**

**DESDE 1 DI JUNI LOCALIDAD NOBO
POLI GINECOLOGIA**



- Dr. Garcia
- Dr. Bos
- Dr. Moreta
- Dr. Blok

- Dr. Siemonsma
- Dr. Gomez
- Dr. Hamers



📍 Caya J.E.M. Arends #17
(Den mesun edificio cu Fundacion ABO)

🕒 Dialuna pa diabierna 8:00 am - 5:00 pm ☎ 527-4130



NOS SEMPER T'EY!



NoticiadiCorte

OTRO SIMAN CORTE SUPERIOR TA TRATA CASO FLAMINGO

ORANJESTAD – Otro siman Hof di Corte Superior ta na Aruba pa tratamento di caso Flamingo. Esaki ta cuminsa Dialuna 1 Juni 2026 te cu Diabierna 5 Juni 2026.

SOLO DI PUEBLO por a compronde cu e tratamento di e caso ta fiha pa cuminsa mainta te atardi tur 5 dia y despues e tres Huesnan cu ta forma Hof lo bay fiha un fecha pa sentencia. E tres acusadonan cu lo mester presenta den Corte ta: Richinella Wever, Otmar Oduber y Eisia Esser.

Den Corte den Promer Instancia, e tratamento di e caso aki a sosode dos aña pasa caminda tabatin 6 sospechoso. Fiscal a exigí castigonan cu ta varia di multa, castigo combina, te cu castigo di prison. Na Januari 2025, Hues a dicta sentencia caminda Hues a declara Jeandrick Oduber y Eisia Esser liber, mientras cu e otroonan a haya castigo. Ministerio Publico no ta di acuerdo cu e sentencia di Esser y a apela. Mescos Ministerio Publico a apela e sentencia di Otmar y e abogadonan di Otmar tambe a apela. Wever no ta di acuerdo cu su sentencia y a apela.

CASTIGO EXIGI

Na November 2024 tratamento di e caso a tuma lugar caminda Fiscal a expresa cu den e caso aki por mira con curopcion a tuma lugar. Esaki ta alarmante. Na opinion di Fiscal, Esser y Otmar a hiba politica pa yuda otroonan cu a yuda den campaña. Na opinion di Fiscal, esaki no ta politica sino corrupcion. Fiscal ta haya cu mester manda un señal bon cla den comunidad cu no ta permiti abuso di funcion. E exigencianan di Fiscal ta:

Wever ta wordo haya culpabel di a abusa di su funcion y falsifica cartanan. Fiscal a exigí 240 ora di

trabao of 120 dia sera. Tambe Fiscal a exigí 6 luna di prison condicional cu 3 aña di prueba.

Esser tabata e persona di confianza di Otmar. Fiscal a exigí 18 luna di prison.

Otmar Oduber tabata e minister cu a abusa di su poder. Fiscal a exigí 3 aña di prison y 6 aña Otmar no por actua como politico y no por traha den Gobierno.

ESSER DECLARA LIBER

Dia 22 Januari 2025, Hues a dicta sentencia. Den e caso di Esser, Hues a bisa cu e demanda di abogado pa declara Ministerio Publico no admisible, ta wordo rechaza. Hues a bisa cu ta un hecho cu Esser tabata un empleado di Gobierno. E pregunta ta si Esser a wordo cumpra, door di tuma regalo. Hues ta haya cu mester prueba cu Esser lo a haya cos pa haci cosnan cu ta contra di su deber. El a mostra cu no tabatin transaccion financiero. Hues a bisa cu e no ta haya proba cu Esser a wordo cumpra. Hues a sigui bisa cu e no ta haya cu Esser a abusa di su funcion pa duna hende trabao. El a mostra cu Vito Croes a duna Esser placa. E pregunta ta si esaki ta un regalo. Hues ta haya esaki ta e caso. E pregunta ta sigui, kico ta e relacion entre Esser y Vito Croes. Nan conoce otro pa hopi tempo y Vito Croes ta yuda Esser pa paga school di yiu. Hues ta haya esaki acceptable. Na opinion di Hues, loke Vito Croes a haci no ta wordo considera como regalo. Hues a conclui cu no tin prueba y a declara Esser liber di a wordo cumpra. Tambe Hues a declara Esser liber di a abusa di su funcion.

WEVER CONDENA PA MALVERSA GOBIERNO HUNTO CU OTMAR

Den caso Wever, Hues a rechaza e demanda di abogado, pa declara Ministerio Publico no admisibel. Pa loke ta e acusacionnan, Hues a mostra cu na 2018, Otmar a bin cu maneho nobo pa cu dunamento di tereno. Wever tabata e coordinador di e team, encarga cu dunamento di tereno. Hues a mostra cu e caso Malmok, Wever a actua contra e maneho pa duna tereno. A traha cartanan cu no ta cuadra cu e berdad y laga director di DIP firma esakinan. Hues a remarca cu e hecho cu Wever a actua bou orden di Otmar, no ta haci'e menos castigabel. Hues ta haya cu esaki a keda den intento di malversacion pasobra e dunamento di tereno no a keda realiza. Hues ta haya cu Wever, a mal usa su funcion, a falsifica cartanan y hunto cu Otmar a malversa Gobierno. Hues a sigui bisa cu Wever a abusa di e confianza cu Gobierno mester tin den dje. Hues a condena Wever na 180 ora di trabao, 5 luna di prison condicional cu 3 aña di prueba.

OTMAR CONDENA PA MALVERSACION Y ABUSA DI SU FUNCION

Den caso di Otmar, Hues a rechaza e demanda di abogado pa declara Ministerio Publico no admisibel. Hues a bisa cu e no ta haya cu tabatin acusacion falso di Marisol Tromp, manera abogado a bisa. El a mostra cu comision di protesta a motiva suficiente pakico a rechaza e keho di Otmar. Hues a bisa cu e no ta haya cu Ministerio Publico a actua contra e principianan di un caso husto manera abogado a bisa.

Hues ta haya proba e malversacion den caso Malmok y tambe cu Otmar a haci mal uso di su funcion. Hues a mostra cu Otmar na 2018 a bin cu maneho nobo pa cu entrega di tereno.

Hues ta haya cu e personanan C. y F. no mester a bin na recomendacion pa tereno na Malmok. El a mostra cu Wever a actua contra e maneho di duna tereno, riba orden di Otmar. Hues a mostra cu Otmar ta amigo di e homber M. cu ta pareha di e dama C. E homber M. a pidi Otmar pa regla un tereno. Ariba instruccion di Otmar, Wever a traha e cartanan falso. Hues ta haya cu Otmar como minister a favorece su amigonan pa haya tereno.

E asunto di empleadonan fantasma, Hues ta haya Otmar a duna Tiel, Phillips, Geerman trabao. Hues ta haya cu Otmar hunto cu Tiel y Phillips a malversa Gobierno. Pa loke ta Geerman, Hues no ta haya malversacion. E ta haya cu Geerman a haci e trabaonan cu el a palabra cu Otmar. Hues a declara Otmar liber pa un parti di malversacion y tambe a declara Otmar liber pa e acusacion di a wordo cumpra. Hues a bisa cu e no ta haya proba cu Tiel a cumpra Otmar of duna Otmar regalo. Tampoco Hues ta haya cu Otmar a abusa di su funcion den e caso aki.

Pa loke ta e relacion cu Esser, Hues ta haya cu Otmar a pone Esser na un posicion estrategico pa yuda Otmar. Hues ta haya cu Otmar, cu ayudo Esser, a haci pa hendenan haya trabao na Serlimar. Hues a bisa cu a haya un buki serca Esser cu informacionnan di hendenan cu ta liga na partido di Otmar. Hues a bisa cu no tin prueba cu lo a cumpra Otmar. Hues no ta haya cu Otmar a abusa di su funcion manera Fiscal ta acusa. Hues ta haya cu Otmar ta culpabel di malversacion y un parti a abusa di funcion.

Dialuna ta cuminsa 10'or di mainta te 5'or di atardi. E otro dnan ta cuminsa 9'or di mainta te 5'or di atardi. Despues di e tratamento, Hof lo bisa pa ki tempo lo por spera sentencia.

ASESINO DI RAYDEN KOCK TA FUGITVO: TA PIDI BUSKEDA DI KUKO

Cuerpo Policial Aruba conhuntamente cu Ministerio Publico ta busca e sospechoso Li-Angelo Robert Rayshen Carmona Alcantara naci Aruba 26 oktober 2007, alias "Kuki". Esaki ta relaciona cu e caso di tiroteo cu a tuma lugar diadomingo madruga 24 di mei 2026 den e parkeerplaats di The Village.

E ta wordo sospecha pa homicidio den e caso menciona .

Cuerpo Policial Aruba ta haci un apelacion cu si bo tin informacion, bo sa algo of a wak algo yama e tiplijn di polis cu ta 11141.

Bo ta keda anonimo.

TA WORDO

BUSCA PA HUSTICIA

NOMBER
LI-ANGELO ROBERT RAYSHEN
CARMONA ALCARA

ALIAS: KUKI

FECHA NACIMIENTO
26 OKTOBER 2007

ALTURA
1.56M



SI BO TIN CUALKIER INFORMACION CU POR YUDA LOCALISA E PERSONA AKI MENCIONA, POR FAVOR YAMA NOS TIPLIJN

11141

U R G E N T E

SERVICIO INTEGRIDAD SEGURIDAD

KPA.AW



Actua local pa un impacto global

dnmaruba.org



INTERNATIONAL DAY
FOR BIODIVERSITY 2026
Acting locally for global impact




MAS ORA DEDICA NA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Diasabra awo nos lo habri nos NOORD BRANCH pa asina sirbi bo miho.

NOORD BRANCH

Diasabra 30 di mei, 2026 | 9:00 AM te cu 1:00 PM

Exclusivamente pa servicionan di prestamo y mantencion di cuenta, tarheta, PIN, cambia adres etc.

Sea ta pa conseho financiero personal of pa haci un pregunta, nos expertonan lo t'ey pa atende'bo.

No lo tin servicionan di cahero.

Ban topa pa nos combersa.

Si acaso bo kier haci un cita, por fabor tuma contacto cu nos.

(+297) 522-3000 Dialuna - Diabierna: 8AM-8PM | cmbnv.com | [CMB News](#) | bobancoamigo@cmbnv.com

Lider di fraccion AVP, Jennifer Arends-Reyes:

MODERNISACION DI LNT TA NECESARIO PA RETENE TALENTO LOCAL Y FORTIFICA INSTITUCIONNAN

ORANJESTAD (25 di mei 2026) - Lider di Fraccion AVP y parlamentario Jennifer Arends-Reyes a expresa su apoyo pa e intencion di adapta e Landsverordening Normering Topinkomens (LNT), describiendo e iniciativa como un paso importante den direccion di un mercado laboral mas competitivo y un gobierno cu por retene e miho talento local na Aruba.

Segun Arends-Reyes, Aruba ta enfrenta un reto creciente relaciona cu fuga di talento, unda hopi profesional altamente capacita ta busca oportunidad den exterior debi na condicionnan laboral y perspectivnan di crecemento cu frecuentemente ta mas atractivo cu loke Aruba por ofrece actualmente.

“Nos no por papia di desaroyo economico y fortalecimiento institucional si nos mes profesionalnan no ta haya oportunidad pa progresa y desaroya nan carera aki mes na Aruba,” Arends-Reyes a declara. “Si nos kier construi un pais fuerte y competitivo, nos mester crea circunstancianan caminda talento local kier keda y aporta na e futuro di nos comunidad.”

E parlamentario a indica cu un revision responsabel y realistico di e normanan

salarial por contribui na retene experto den areanan strategico manera salud, enseñansa, finanzas, tecnologia y administracion publico. Segun Arends-Reyes, e realidad actual ta muestra cu Aruba ta competi pa talento no solamente cu paisnan den region, sino tambe cu mercado internacional cu regularmente ta ofrece condicionnan mas atractivo pa profesionalnan altamente cualifica.

Arends-Reyes a enfatisa cu e proposito di e adaptacion no ta pa promove salarionan exorbitante ni uzo irresponsabel di recurso publico, sino pa establece un marco legal cu ta refleha e realidad economico actual y cu ta permiti institucionnan publico funciona cu e liderazgo y conocimiento necesario pa enfrenta e desafionan di futuro.

“Un sistema salarial moderno y ekilibra ta parti di bon gobernacion. Ora nos inverti den nos propio hende, nos ta inverti den calidad di servicio publico, den continuidad institucional y den capacidad di nos pais pa crece y progresa,” el a expresa.

E lider di fraccion AVP a señala cu na Hulanda e equivalente di e ley, e Wet

Normering Topinkomens (WNT), ta revisa y actualisa anualmente tumando na cuenta desaroyonan economico y costo laboral. Pa 2026, e maximo general na Hulanda a subi te €262.000 pa aña, precisamente pa mantene competitividad den sector publico.

Den contraste, e maximo salarial contempla den e LNT di Aruba a keda fija na Afl. 329.000 pa aña desde juni 2022 y ta vincula na un periodo di transicion di cinco aña. Segun Arends-Reyes, e experiencia di e ultimo añanan tambe a muestra situacionnan caminda profesionalnan treci di exterior por haya contratonan cu no necesariamente ta cay bou di e disposicionnan actual di e ley, mientras profesionalnan local frecuentemente ta confronta limitacionnan diferente.

“Nos mester evalua si e sistema actual ta logra e resultado cu originalmente a busca. Aruba no por permiti cu su propio talento keda den desbentaha ni cu institucionnan perde capacidad pa atrae y retene e persona adecua pa posicionnan clave,” Arends-Reyes a señala.

E parlamentario a indica cu lo sigui monitor di cerca e proceso di elaboracion



y implementacion di cualkier adaptacion na e ley, enfatizando cu transparencia, responsabilidad fiscal y interes publico mester permanece elemento central den tur decision. “Nos prioridad semper lo ta un gobierno eficiente, transparente y responsabel

cu ta maneha placa publico cu cuidou. Na mesun tempo, nos mester crea e espacio necesario pa profesionalnan local por keda, crece y sigui aporta na desaroyo di Aruba. Esey ta un inversion den nos pueblo y den nos futuro,” Arends-Reyes a conclui.

Clasificados





SOLODIPUEBLO@GMAIL.COM

CEL. 585 9500



Na caminda pa Mundial



CANADA TA INCLUI DAVIES DEN SU CONCENTRACION A PESAR DI DUDA RIBA SU ESTADO FISICO

Canada a inclui dialuna su strea principal, Alphonso Davies, den e lista di 32 hungado convoca pa e concentracion previo p'e Mundial di 2026. Sinembargo, e seleccionador Jesse Marsch a admiti cu e defensa no lo ta cla pa e partido inaugural di e torneo contra Bosnia y Herzegovina dia 12 di juni.

Marsch a declara dialuna cu e ta spera cu Davies por hunga "den algun momento" di e Mundial, maske el a señala cu e capitán Canandes no lo yega na tempo pa e debut di e seleccion anfitrión. E técnico a agrega cu e hungado di Bayern Múnich no lo uni mesora na e concentracion na e localidad Mericano di Charlotte, North Carolina, locual a cuminsa dialuna, sino cu lo uni na e grupo dia 31 di mei na Edmonton.

Federacion Canandes di Futbol (Canada Soccer) a declara cu e grupo



lo reuni entre dia 25 y 29 di mei na Charlotte, prome cu Marsch devela e convocatorio definitivo pa e Mundial dia 29 di mei proximo den un programa special di television. Canada Soccer a splica cu, pa motibo di lesion y compromiso cu clubnan, e futbolistanan lo incorpora progresivamente den coordinacion cu nan respectivo club y cuerpo

medico, priorisando e condicion fisico di e hungadonan.

Davies, di 25 aña, a pasa den un periodo largo marca pa problemanan fisico. E lateral a sufri den luna di maart un lesion muscular cu a strob'e di hunga partidonan di amistad cu Canada, y a cay den relapse dia 8 di

mei cu un lesion nobo na su hamstrings mientras e tabata hunga cu Bayern.

Davies ta figura den un convocatorio cu ta inclui tambe hungadonan manera Jonathan David, Cyle Larin, Stephen Eustáquio, Tajon Buchanan y Alistair Johnston. Canada lo hunga dos partido di preparacion prome cu e torneo: contra

Uzbekistan dia 1 di juni na Edmonton y contra Irlanda dia 5 di juni na Montreal.

E seleccion Canandes ta den Grupo B di e Mundial hunto cu Bosnia y Herzegovina, Qatar y Suisa, y nan partidonan di fase di grupo lo wordo hunga dia 12 di juni na Toronto, y dia 18 y 24 di juni na Vancouver.

CENTRO DI BARIO NOORD A CLAUSURA CELEBRACION DI 55 ANIVERSARIO



NOORD - Fundacion Centro di Bario Noord kier expresa su mas profundo gradicimento na tur persona, empresa, organisacion y boluntario cu a contribui pa haci e clausura di nos celebracion di 55 aniversario un gran exito.

E "Fiesta Comunitario Bailabel" di clausura a logra reuni no solamente e comunidad di Noord,

pero henter Aruba cu a yega Centro pa celebra hunto den un ambiente di alegria, union y cultura. Tabata un anochi special yena di musica, baile y convivencia cu lo keda den nos curason. Durante henter e aña di celebracion, Centro di Bario Noord a organisa diferente actividadnan exitoso incluyendo e Sesosport y Speurtocht cu a tuma lugar aña pasa,



creando momento unico pa hoben, adulto y famia den comunidad.

Nos kier duna un danki special na Sharine y su Taxi Dancers pa nan energia y animacion espectacular durante e anochi. Tambe nos ta hopi gradici na tur medio di comunicacion cu a brinda apoyo promocional, specialmente Juancito, Mimi, Enfoke y Arthur. Un gradicimento grandi ta bay tambe na tur boluntario cu a dedica nan tempo, esfuerso y amor riba e diasabra ey. Sin boso apoyo y compromiso, e evento lo no tabata posible. Nos ta realmente gradici pa tur yudansa ricibi.

Nos kier reconoce y gradici tur nos sponsor cu a contribui generosamente pa haci e gran celebracion comunitario aki un realidad:
Pa cover bandanan y sound: Setar, Web, ATA, APA, Empresa Italo Arubano

Pa cover Soppi Carni, Balashi, Prosecco y Moscato free pa feestgangers: Hilton Hotel, Balashi (Tropical Bottling Co), Swift Distribution
Pa cover gift certificates pa rifa na feestgangers: La Nueña, Gianni's, The Old Cunuco House, Caribbean Palm Village
Demás donations: Casa

Haime, ASD, Conar, Lings Restaurant, Hunt Dental, Dairon Kelly, Carlos Bermudez, Sammy Giel.

Boso apoyo a demostra cu ora comunidad y empresa uni forsa, cosnan bunita por wordo logra na favor di henter Aruba.

Centro di Bario Noord ta mira atras cu hopi orguyo riba e 55 aña di existencia y servicio na comunidad. Nos ta spera di sigui construi recuerdo, actividadnan y oportunidadnan pa nos pueblo den futuro.

Masha danki Aruba pa celebra hunto cu nos. Fundacion Centro di Bario Noord — Noord Creciendo Hunto!



Shailiny Tromp-Lee

STAATSSECRETARIS VAN DER BURG:

ARUBA "NO TIN STATUS APARTE MAS." ESAKI TA FALSO Y NOS MESTER BISA ESAKI

E Staatssecretaris di Relacionnan di Reino a declara publicamente cu desde 10-10-10, Aruba "no tin Status Aparte mas" y cu p'esey nos mester wordo trata igual cu Corsou y Sint Maarten bou di e Rijkswet HOFA.

Esaki ta constitucionalmente incorrecto

E Status Aparte di Aruba a wordo konkista na 1986. El a duna Aruba su posicion autonomo directo den Reino, 24 aña prome cu e otro nan a haya algo similar. Cu Corsou y Sint Maarten a adkiri un status comparabel na 2010, no kiermen cu Aruba a perde nada. E kieren cu

e otro nan a yega na local Aruba tabatin caba.

Loke e Staatssecretaris ta propone ta esaki: e mesun obligacionnan, pero no e mesun beneficiacion. HOFA ta exige di Aruba e mesun restriccioannan cu e otro nan, pero sin e sanacion di debe, sin e apoyo economico cu nan si a ricibi. Aruba mester carga e mesun peso, pero sin e mesun apoyo. Mester cumpli cu e mesun reglanan, pero sin e mesun recompensa. Y si algo bay robes, Aruba lo keda cu e mesun consecucionan, pero sin cu a haya e mesun punto di salida. E sapato aki no ta pas nos tur tres igual.

Forsa un pia den un sapato cu no ta su size no ta disciplina, ta daño!

E supervision financiero local di Aruba ta funcionando. E LAFT ta na vigor desde 2015. No tin ningun motibo valido pa eleva esaki den un Rijkswet di Reino.

E declaracionnan di e Staatssecretaris ta un prueba bibo di e argumento debil cu ta keda uza pa asina purba di hustifica loke constitucionalmente no por wordo hustifica.

"Ami semper tabata y ta keda contra di un Rijkswet Supervision



Financiero,"Tromp-Lee a HOFA no por! finalisa.

DEZHI A MUDA PA UN LOCALIDAD NOBO NA WILHELMINAstraat 7 – CAS VENERANDA

ORANJESTAD – Departamento di Asunto Economico, Comercio y Industria (DEZHI/DEACI) ta informa tur ciudadano, empresario y interesado cu e departamento a muda oficialmente pa un oficina nobo, localisa na Wilhelminastraat 7, Cas Veneranda.

Cu e mudanza aki, DEZHI ta sigui traha pa brinda un servicio accesibel y eficiente na comunidad

y sector empresarial di Aruba.

E Helpdesk di 'Permiso pa Negoshi', situa na planta abou, ta habri pa publico mainta di 8:00 AM – 11:30 AM y atardi di 1:30 PM – 4:00 PM.

Pa mas informacion relaciona cu permiso di negoshi por tuma contacto cu DEZHI na 521-2400 of por bishita nos website.

Clasificados

SOLODIPUEBLO@GMAIL.COM
CEL.585 9500

SOLO *De Pueblo*

LOTTO Paardenbaasstraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi > - May 27, 2026																																															
CATACHI Sorteo # 8856 0522 4179 5124 X2 BIG 4 Sorteo # 7900 9146 X2 DFF Sorteo # 2605 0464 ZODIAC Sorteo # 6659 5062 Scorpio LUCKY 3 Sorteo # 1589 768 X2	<table> <tr> <td>LOTTO 5</td><td>Joker Letter</td></tr> <tr> <td>Sorteo #</td><td>Proximo Jackpot</td></tr> <tr> <td>0 x Jackpot</td><td>360.000,-</td></tr> <tr> <td>0 x Match 4+</td><td></td></tr> <tr> <td>0 x Match 4</td><td></td></tr> <tr> <td>0 x All 12.00</td><td></td></tr> </table> <table> <tr> <td>LOTTO DIA</td><td>05-16-19-24-28</td></tr> <tr> <td>Sorteo # 7901</td><td>Proximo Jackpot</td></tr> <tr> <td>0 x Jackpot</td><td>51.000,-</td></tr> <tr> <td>10 x Match 4</td><td></td></tr> <tr> <td>161 x All 8.00</td><td></td></tr> </table> <table> <tr> <td>MEGA</td><td>02-13-21-29</td></tr> <tr> <td>Sorteo # 1873</td><td>Mega Ball 06</td></tr> <tr> <td>0 x Jackpot</td><td>Proximo Jackpot</td></tr> <tr> <td>0 x Match 4</td><td>280.000,-</td></tr> <tr> <td>7 x All 500.00</td><td></td></tr> <tr> <td>52 x All 50.00</td><td></td></tr> <tr> <td>66 x All 15.00</td><td></td></tr> <tr> <td>MEGA</td><td>Afl 380.000,-</td></tr> </table> <table> <tr> <td>CORSOU</td><td>Sorteo #</td></tr> <tr> <td>Sorteo #</td><td></td></tr> <tr> <td></td><td></td></tr> <tr> <td></td><td></td></tr> </table> 	LOTTO 5	Joker Letter	Sorteo #	Proximo Jackpot	0 x Jackpot	360.000,-	0 x Match 4+		0 x Match 4		0 x All 12.00		LOTTO DIA	05-16-19-24-28	Sorteo # 7901	Proximo Jackpot	0 x Jackpot	51.000,-	10 x Match 4		161 x All 8.00		MEGA	02-13-21-29	Sorteo # 1873	Mega Ball 06	0 x Jackpot	Proximo Jackpot	0 x Match 4	280.000,-	7 x All 500.00		52 x All 50.00		66 x All 15.00		MEGA	Afl 380.000,-	CORSOU	Sorteo #	Sorteo #					
LOTTO 5	Joker Letter																																														
Sorteo #	Proximo Jackpot																																														
0 x Jackpot	360.000,-																																														
0 x Match 4+																																															
0 x Match 4																																															
0 x All 12.00																																															
LOTTO DIA	05-16-19-24-28																																														
Sorteo # 7901	Proximo Jackpot																																														
0 x Jackpot	51.000,-																																														
10 x Match 4																																															
161 x All 8.00																																															
MEGA	02-13-21-29																																														
Sorteo # 1873	Mega Ball 06																																														
0 x Jackpot	Proximo Jackpot																																														
0 x Match 4	280.000,-																																														
7 x All 500.00																																															
52 x All 50.00																																															
66 x All 15.00																																															
MEGA	Afl 380.000,-																																														
CORSOU	Sorteo #																																														
Sorteo #																																															

CENTRO DI BARIO NOORD A CLAUSURA CELEBRACION DI 55 ANIVERSARIO



NOORD - Fundacion Centro di Bario Noord kier expresa su mas profundo gradicimento na tur persona, empresa, organisacion y boluntario cu a contribui pa haci e clausura di nos celebracion di 55 aniversario un gran exito. E "Fiesta Comunitario Bailabel" di clausura a logra reuni no solamente e comunidad di Noord, pero henter Aruba cu a yega Centro pa celebra hunto den un ambiente di alegria, union y cultura. Tabata un anochi special yena di musica, baile y convivencia cu lo keda den nos curason.

Durante henter e aña di celebracion, Centro di Bario Noord a organisa diferente actividadnan exitoso incluyendo e Sesosport y Speurtocht cu a tuma lugar aña pasa, creando momento unico pa hoben, adulto y famia den comunidad. Nos kier duna un danki special na Sharine y su Taxi Dancers pa nan energia y animacion espectacular durante e anochi. Tambe nos ta hopi gradici na tur medio di comunicacion cu a brinda apoyo promocional, specialmente Juancito, Mimi, Enfoke y Arthur. Un gradicimento grandi ta bay tambe na tur



boluntario cu a dedica nan tempo, esfuerso y amor riba e diasabra ey. Sin boso apoyo y compromiso, e evento lo no tabata posibel. Nos ta realmente gradici pa tur yudansa ricibi.

Nos kier reconoce y gradici tur nos sponsor cu a contribui generosamente pa haci e gran celebracion comunitario aki un realidad: Pa cubri bandanan y sonido: Setar, Web, Elmar, ATA, APA, Empresa Italo Arubano. Pa cubri Sopi Carni, Balashi, Prosecco y Moscato pa publico: Hilton Hotel, Balashi (Tropical Bottling Co), Swift Distribution. Pa cubri certificado di regalo pa publico: La Buena, Gianni's, The Old Cunucu House, Caribbean Palm Village.

Demas donacion: Casa Haime, ASD, Conar, Lings Restaurant, Hunt Dental, Dairon Kelly, Carlos Bermudez, Sammy Giel. Boso apoyo a demostra cu



ora comunidad y empresa uni forsa, cosnan bunita por wordo logra na fabor di henter Aruba. Centro di Bario Noord ta mira atras cu hopi orguyo riba e 55 aña di existencia y servicio na comunidad. Nos ta spera

di sigui construi recuerdo, actividad y oportunidad pa nos pueblo den futuro. Masha danki Aruba pa celebra hunto cu nos. Fundacion Centro di Bario Noord — Noord Creciendo Hunto!



THEMIS INSTITUTE A PRESENTA RECOMENDACION PA FORTIFICA MANEHO DI EMPRESANAN ESTATAL DI UTILIDAD



Recientemente, Minister di Husticia, Integracion, Transporte Publico y Energia, mr. drs. Arthur Dowers, acompaña pa su ekipo legal, a atende un presentacion na Utilities Aruba N.V. relaciona cu recomendacionnan pa actualisa y fortifica e statuutnan di empresanan estatal di utilidad. Durante e encuentro, mr. dr. Aubrich Bakhuis,

director di Themis Institute for Governance and Leadership, hunto cu Prof. dr. Frank Kunneman, co fundador di Themis Institute, a presenta un serie di recomendacion strategico enfoca riba mehora e cuadra di maneho di e entidadnan estatal. E recomendacionnan ta dirigi riba fortifica tanto e rol y responsabilidad di e

Hunta di Comisario como e posicion y autoridad di e accionistanan.

Themis Institute for Governance and Leadership ta un instituto academico y profesional specialisa den maneho, liderato, derecho constitucional y desaroyo institucional. E instituto ta conta cu expertonan reconoci, incluyendo huristanan, academiconan y especialista den maneho corporativo, cu regularmente ta contribui na formulacion di maneho publico y reforma institucional den Reino Hulandes y region di Caribe. Minister Dowers, den su capacidad como



representante di Gobierno como accionista mayoritario di e empresanan di utilidad, a haya un splicacion amplio di e cambionan proponi. E recomendacionnan tin como obhetivo promove transparencia, responsabilidad y efectividad den e maneho di e entidadnan estatal, garantizando cu nan ta

sigui sirbi interes publico di manera responsabel y sostenibel.

Minister Dowers a expresa su aprecio pa e aporte di Themis Institute y a enfatisa e importancia pa fortalece nos empresanan estatal, considerando cu nan tin un rol crucial den e desaroyo economico y bienestar di Aruba.

PLAN DI ACCION PA MANTENCION DI VELDNAN DEPORTIVO TA SIGUI CU TRABOUNAN NA VELD DI CALBAS, DURACELL Y GRASSHOPPERS

ORANJESTAD, 26 di mei 2026 — Siguiendo e strategia pa un maneho sostenibel di instalacionnan deportivo na Aruba, Minister di Deporte, sra. mr. Gerlien Croes, ta reafirma cu e plan di accion pa mantencion ta continua firmemente.

E prome trabounan pa e aña aki a inicia cu mantencion integral di veld di Sabana Grandi, mientras cu trabounan tambe a wordo implementa na veld di Calbas, Duracell y Grasshoppers, como parti di un plan amplio pa mehora y mantene infraestructura deportivo rond di nos isla.

E trabou ta wordo ehecuta den colaboracion estrecho

entre Ministerio di Deporte y Ministerio di Infraestructura, hunto cu Departamento di Obran Publico (DOW). E ekiponan tecnico ta sigui traha di forma structural y periodico pa sigura cu veldnan y canchanan deportivo ta keda den condicion optimal pa uzo di comunidad y deportistanan. E plan pa 2026 ta construi riba e base solido di e exito alcanza den 2025, unda mantencion sistematico a resulta den mehoracion concreto na varios facilidadnan deportivo. Minister Gerlien Croes a enfatisa cu mantencion ta un pilar esencial pa desaroyo deportivo: "Mantencion ta clave pa sostenibilidad. Nos

ta kere den deporte como un instrumento di desaroyo social y un estilo di bida saludabel. Infraestructura na bon condicion ta esencial pa logra esaki. Nos ta comprometi pa sigui traha cu transparencia, planificacion y eficiencia pa sirbi nos comunidad manera e merece".

E continuidad di e plan ta enfoca riba implementacion di un sistema di mantencion preventivo y periodico, garantizando un uzo responsabel di fondo publico y maximalizando impacto positivo pa comunidad y deportistanan.

Minister Gerlien Croes a expresa su gradicimento na DOW y na tur



colaboradornan cu ta contribui na e esfuerso aki, y a reafirma cu e ministerio ta comprometi pa amplia e programa di mantencion pa mas veldnan y facilidadnan

deportivo durante 2026. Cu e iniciativa aki, Gobierno di Aruba ta sigui inverti den un infraestructura deportivo duradero, accesibel y di calidad pa tur ciudadano.

GOBIERNO DI ARUBA TA PRESENTA UN VISION POSITIVO Y CONSTRUCTIVO PA FUTURO DI REINO

Prome Minister Mike Eman ta enfatisa colaboracion, innovacion y oportunidadnan economico durante encuentro cu Tweede Kamer



Den e reunionnan oficial cu presidente di Eerste Kamer, Mei Li Vos, y cu e Comision pa Relacionnan di Reino di Tweede Kamer, Gobierno di Aruba a comparti un vision cla y constructivo tocante futuro di Reino Hulandes. Prome Minister mr. Mike Eman, hunto cu Ministro Plenipotenciario mr. Mildred Schwengle y delegacion di Aruba, a enfatisa e importancia di construi

un Reino cu ta funcional, relevante y cu ta crea balor agrega pa tur su paisnan. Segun Prome Minister Mike Eman, hopi biaha e debate riba Reino ta concentra principalmente riba conflicto y diferencia di opinion, mientras cu falta atencion pa e pregunta fundamental: kico Reino kier ta den futuro? “Nos a bay cu un mensahe hopi cla. Aruba tin un vision positivo pa Reino. Nos kier

un Reino cu ta funciona bon, cu ta crea oportunidadnan y cu tin balor agrega pa henter su pueblo,” Prome Minister Mike Eman a declara despues di e encuentro na Tweede Kamer. Durante e reunionnan, Gobierno di Aruba a presenta diferente ehempel concreto di con colaboracion den Reino por contribui na desaroyo economico, innovacion y fortalecimiento di posicion

strategico di Aruba den region di Caribe y Sur America y Centro America. Un di e ehempelnan menciona tabata e cooperacion cu Wageningen University & Research, cu ta habri caminda pa establecimiento di actividad academico y investigacion na Aruba. Segun Prome Minister Eman, e iniciativa aki no solamente ta yuda Aruba den area di sostenibilidad, agricultura y naturalesa, sino tambe ta crea oportunidadnan pa Hulanda den region. “Nos ta muestra cu institucionan y companianan Hulandes por hunga un rol importante den Caribe y region. Aruba por ta un plataforma strategico pa conocimiento, innovacion y colaboracion internacional,” Eman a expresa. Durante e dialogo cu miembronan di Tweede Kamer, tambe a papia riba diferente oportunidadnan economico y strategico, incluyendo e proceso di EU

preclearance, cooperacion academico y e futuro desaroyo di e refineria. Gobierno di Aruba a enfatisa cu e enfoke nobo ta uno basa riba aliansa, colaboracion y comparti oportunidadnan, enbes di solamente enfoca riba conflicto. Prome Minister Eman a indica cu e reaccionnan durante e reunionnan tabata positivo y cu tin interes genuino den e vision cu Aruba ta presenta.

“Nos ta nota cu tin interes pa un otro forma di mira Reino. No solamente mira unda tin problema, pero tambe mira unda tin oportunidadnan pa traha hunto y fortalece Reino pa tur hende,” Eman a comenta. Gobierno di Aruba ta considera e bishita aki como un paso importante den fortalecimiento di relacionnan institucional cu Hulanda y den crea un ambiente di mayor colaboracion dentro di Reino Hulandes.

**UN BITTER
DI MAS...
POR
STROBA
BO DI
YEGA CAS.**



SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA
2. ESQUELETO
3. DISFRAZ
4. MASCARA
5. MIEDO
6. TUMBA
7. MAGIA
8. MONSTRUO

9. TRUCO
10. FANTASMA
11. HECHIZO
12. DULCES
13. MUERTE
14. CALABAZA
15. VAMPIRO
16. GATO

SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

Oracion di dia

Un feliz dia bendiciona yena cu gracia di Dios

"Lo Bo ta sacerdote pa semper na e mesun manera cu Melkisedec."
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhelar consciente y inconscientemente nos tur ta anhelar di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.

Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.
Amen

Fraccion MEP:

Minister Geoffrey Wever a exige MEP pa retira for di un reunion di KvK riba HOFA

Dialuna 25 di mei, KvK a invita henter Parlamento di Aruba pa un reunion, un invitacion cu a wordo extendi despues di un reunion cu gremionan comercial den sala di parlamento e mesun dia. Parlamentario Evelyn Wever-Croes, Rocco Tjon y Dangui Oduber a acepta e invitacion pa asisti na e reunion unda gremio comercial lo scucha presentacion di Minister Wever y unda nan lo por comparti nan bista y posicion riba e Rijkswet Financieel Toezicht Aruba (HOFA).

Como representantenan di pueblo di Aruba, y como fraccion cu desde e prome dia a para na banda di pueblo cu a rechasa HOFA masalmente, nos a considera esaki un oportunidad legitimo y necesario pa scucha directamente e perspectiva di e sector comercial riba un asunto cu ta afecta nos autonomia como pais.

Na nos yegada na KvK, nos a wordo ricibi cu un caluroso bon bini. Tur cos a cambia ora Minister di Finansa Geoffrey Wever a yega. E minister a exige formalmente di e board di KvK cu nos — representantenan di pueblo di Aruba — mester bandona e auditorium. Su menasa tabata cla: si nos no sali, e no lo duna su presentacion. E board di KvK, poni on the spot y bou presion di e minister, a cumpli cu e exigencia. Nos a respecta e decision di e board y nos a sali di forma digno y sin incidente. Sin embargo, nos no por keda keto riba loke a pasa awe.

Un minister di finansa cu ta uza su posicion gubernamental pa exige e exclusion di parlamentario den sala, den un espacio civil y independiente, riba invitacion di e instancia mes, ta cruzando un liña importante. Esaki no ta un asunto di protocol of

preferencia personal. Esaki ta un cuestion di principio democratico.

Nos kier ta cla riba un punto: nos no tabata eyan pa confronta e minister. Nos tabata eyan pa scucha e gremio comercial, exactamente pa loke KvK a invita nos. Minister Wever mes a conberti e situacion den un confrontacion door di existi nos salida.

Y esaki nos laga un pregunta colga pa pueblo di Aruba:

Si HOFA ta asina bon pa nos pais, pakico e minister di finansa no por defende den presencia di representantenan di e mesun pueblo cu e ta goberna?

Un berdad cu ta fuerte no tin miedo di pregunta. Un minister cu ta convenci di su caso no tin cu silencia e oposicion pa presenta su caso.

Pa esaki, nos ta exige Minister Wever pa — si e realmente kier ta transparente — no solamente papia di e beneficiarios di HOFA, pero tambe papia abiertamente di e prijs cu nos como pais mester paga. Papia di loke nos ta perde. Papia di loke nos tin cu entrega. Papia di e consecuencianan pa nos autonomia, pa nos finanzas, y pa nos pueblo.

Transparencia real no ta selectivo. Un gobierno cu ta goberna pa pueblo no tin cu scoge kico pueblo por scucha y kico no.

Nos ta urgi Minister Wever pa haci su presentacion riba HOFA disponibel publicamente, tur e cifranan, tur e argumentonan, tur e proyeccionnan, pa cada ciudadano por husga pa nan mes. Si e ta convenci cu HOFA ta den e miho interes di pueblo di Aruba, laga pueblo husga. Fraccion MEP lo sigui para firme pa e derecho di pueblo di Aruba pa sa, pa scucha, y pa participa den decisionnan cu ta afecta nan futuro.

SEÑOR ta mi Wardador, mi n' tin falta di nada;
den kunuku di yerba bèrdè E ta pone mi sosegá. E ta hiba mi na awa trankil,
pa mi bolbe haña forsa. E ta guia mi den kaminda drechi fiel na su nòmber.
Salmo 23

Cu hopi tristesa pero conforme cu boluntad di dios nos ta anuncia fayecimento di:

Sr Eusebio Wilfrido Kelly

Mihor conoci como pido, frido, chepo, mandigo
* 14-08-1959 + 24 - 05 - 2026



Su Mayornan:
+Antonio Kelly & + Evarista Maduro

Su Esposa(casa)
Ribertadeta Elizabeth Kelly Croes

Yui nan:
Roxann Kelly & Rileyson Lindeborg
Reginald Kelly & Vanessa Kelly Martijn

Nieto/a nan:
Alexa Maduro
Ryliann Kelly
Reyven Kelly

Ruman nan:
Teodora Francisca Kelly & Samuel Galan
+ Maria Quintina Kelly
Cristobal Fidencio Kelly

Manera un ruman stima:
Norma Jandroep

Subrino/a nan:
Jeanise Paredes & Jesus Paredes
Joshua Paredes
Jonathan Paredes & Famia
Joselin Arindell

Omo / tanta nan:
+Vicente Maduro & Famia
+Juan Maduro & Famia
+Jacinto Maduro & Famia
+Feliciano Maduro & Famia
+Serapio Maduro & Famia
+Virgilio Maduro & Famia
+Antonio Maduro & Famia
+Alicia Maduro & Famia
Carmelo Maduro & Famia

Primo/ a nan:
Rafeala Elizabeth Statie & Famia
Rolando Statie & Famia
Mayra Statie & Famia
Mario Maduro y Famia
Augusto Geerman & Famia
Tony Geerman & Famia
Susana Kelly & Famia

Swa/cuña nan:
Ana Maria laaf Croes & Famia
Swinda Sabina Klapaak Croes & Famia
+Filma Telemina Croes & Famia
Carin Jacqueline Jansen Croes & Famia

Cuña banda di nuera:
Shamila Martijn

Consuegro/Consuegra:
Mario Martijn & Norma Martijn

Tata di su nieta:
Sergio Maduro & Famia

Manera un yui stima:
Jeune Angela Semeleer & Ryan Semeleer

Manera un nieta/o stima
Elizabeth Semeleer
Xienna Semeleer
Hunter Semeleer

Amigo/a nan:
Hieronimo Koolman
Micheal Earlington
Pedro van Heyningen
Benny De Kort
Ivan Maduro
Zhair (sonny) Alli & Famia
Ricardo Rasmijn
Mirto Croes
Randolf Kip
Andre Geerman
Mirto Maduro
Nancy Jimenez (Colombia)

Ex colega nan di Gele Koorts Muskieten
bestrijding Aruba (gkmb) &
Su Ex Team di Baseball Aruba

Demas Famia:

Kelly Maduro Martijn Croes Paredes Arindell Statie Geerman Laaf Klapaak
Jansen Semeleer Angela Alli

Ta invita famia amigo nan conoci nan pa asisti na e acto di
condolencia y entiero cual lo tuma lugar diahuebs 28 mei 2026 na
Olive Tree na piedra plat 27Z pa 2 or atardi pa 4 or atardi.

Despues di cremashon nos no ta ricibi bishita di condolencia na cas
Nos disculpa si den nos tristesa por a lubida algun
miembro di famia of conocirnan

**Na porta di Su cas, bo Tata ta wardabo.
Dios ta duna y Dios ta tuma. Y ora e yamada bin,
nos mester baha e cabes humildemente.**

Apesar cu e yamada a bin mucho trempa, nos mester ta agradecido pa e añanan cu nos por a disfruta di e amistad y bondad di Ryan.

Cu un dolor profundo na nos curazon nos ta participa cu a bay sosega den brasa di Señor

Na number di su:

Esposa: Nelitza Flanegien-Oduber

Yiunan: Noah Liam Flanegien

Chiara Isabella Flanegien

Mayornan: Asinto (Chin) y Richardina (Inchi) Flanegien-Oduber

Ruman: Richard y Gianni Flanegien-Dammers

Subrino/a: Gideon y Sarah Flanegien

Welonan: † Felix y † Chita Flanegien-Ruiz

† Casper y † Bertha Oduber-Yarzagaray

Suegronan: Nelson y Margriet Oduber-Britten

Cuñ: Nelienne y Lars Valkering

Padrino y madrina di bautismo:

† John Oduber y Sira Waslander-Flanegien

Padrino di confirmacion:

Roderick (Rudy) Dammers

Su omo y tantanan:

† Emiliano y † Anita Flanegien-Kellij

† Agnes y † Arie van Weenen-Flanegien

Lucila y † Vale de Kort-Flanegien

Berta y Tony Giel-Flanegien

† Victoria y † Edwin Croes-Flanegien

Mateo Flanegien

† Felix Flanegien

Sira y † Anne Waslander-Flanegien

Richard Oduber

† John Oduber

Jane Oduber

Glenda y Jacobo Tromp-Oduber

Manera tanta: Mary Lacle y Joseph Arends

Su primo y primanan:

Mena, Petra, Digna, Martin, Angel, Erwin, Norine, † Robert, Ingrid, Ronnie, Erik, Yolanda, Lidia,

Dorothy, Franklin, Lucille, Enid, Herbert, Renald, Ianthe, May-Lin, Fayona, John-Jairo, Simon,

John Patrick, Jo-Ann Mary-Ann, Jinny, Dayenna

Tur e tanta y omonan grandi y tur actoprino/a.

Tur su amigo/anan di St. Annaschool, Colegio Arubano y tambe co-estudiante di Hulanda y

tur otro bon amigo/anan cu Ryan a stima tanto y cu ta demasiado pa menciona.



**Ryan Allan Acintho Siro
Flanegien, RA**

Aruba 22-10-1980 Amsterdam 18-05-2026

Demas famia y conocirnan ta invita pa un celebracion di bida di Ryan riba:

Diabierna 29 di Mei di 6or pa 8or P.M. na Royal Funeral Home, na cual ocasion tin oportunidad pa condoleer famia y amistades.

Diferente di su bon amigo/anan lo tene discurso recordando nan brother Ryan stima.